

ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՑ «ՃԱՊՈՆԻԱ-ՎԱՅԱՍՏԱՆ ԲԱՐԵԿԱՄՈՒԹՅՈՒՆ» ՄԻՈՒԹՅԱՆ ԱՆԴԱՄՆԵՐԻՆ

Օգոստոսի 10-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց «Ճապոնիա-Հայաստան բարեկամություն» միության անդամներին՝ միության նախագահ Նակաջիմա Տիդեհարուի գլխավորությամբ:

Շուրջ 15 րարի առաջ սրբեղծված այս կազմակերպությունը նպատակ ունի ճապոնացի ժողովրդին ներկայացնել Հայաստանը, հայ ժողովրդին, նրա պատմությունը, մշակույթն ու լեզուն: Իսկ միության հայ անդամների ջանքերով ուսումնական այս փարվանից Հայաստանի հանրակրթական դպրոցներից մեկում ճապոներենը կարող է ուսուցանվել որպես օտար լեզու:

Վեհափառ Հայրապետը, բարձր գնահատելով ժողովուրդների բարեկամությունը, նկատեց, որ Ճապոնիան այն եզակի երկրներից է, ուր չկա հայկական գաղթօջախ, ինչն էլ առավել գնահատելի է դարձնում միության առաքելությունը:

Հանդիպման ընթացքում Նորին Սրբությունը հյուրերի խնդրանքով անդրադարձավ նաև հայ ժողովրդի կյանքում Եկեղեցու ունեցած կարևոր դերակատարությանը, ներկայացրեց Հայ Եկեղեցու պատմությունը: